



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXXIV. Constitutiones Congreg. Charitatis S. Hippolyti in Indiis Occident.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

habere quomodolibet prætendentes illis non consenserint, nec ad ea citati, vocati, & auditi, neque causæ propter quas ipsæ præsentis emanarint adductæ, verificatæ, vel justificatæ fuerint, aut ex alia quacumque etiam quantumvis legitima, juridica, & privilegiata causa, colore, prætextu, vel capite, etiam in corpore juris clauso, etiam epornis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis Nostræ, aut interesse habentium consensus, aliove quolibet etiam maximo, ac formali, & substantiali, incogitato, & inexcogitabili, individuumque mentionem requirente defectu notari, impugnari, infringi, retractari, ad terminos Juris reduci, aut in controversiam vocari, seu adversus illas aperiitionis oris, restitutionis in integrum, aliudve quodcumque Juris, facti, vel gratiæ, remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare posse, sed ipsas præsentis Literas semper firmas, validas, & efficaces existere, & fore, ac ipsi Benedicto Cardinali, aliisque ad quos spectat, & pro tempore quodcumque spectabit, in omnibus, & per omnia plenissime suffragari, ac ab illis inviolabiliter, & inconcusse observari, & adimpleri; sicque & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac ejusdem S. R. E. Camerarium, & alios Cardinales, etiam de Latere Legatos, necnon dictæ Camere Præsidentes Clericos, Thesaurarium, & Commissarium Generales, cæterosque Officiales, & Ministros, & alios quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Nostra, & Cancellariæ Apostolicæ regula de Jure quæsito non tollendo, ac fel. rec. Pii PP. IV. prædecessoris Nostræ de gratis quacumque interesse Camere prædictæ concernentibus in eadem Camera intra certum tunc expressum tempus præsentandis, registrandis, ita ut præsentis Literas ibidem præsentari, & registrari nunquam necesse sit, aliisque Apostolicis, & in Universalibus, provincialibusque Conciliis editis generalibus, vel specialibus Constitutionibus, & Ordinationibus, necnon dictæ Camere, aliisque quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, etiam immemorabilibus, privilegiis quoque, Indultis, & Literis Apostolicis eidem Camere, illiusque Officialibus, & Ministris, ac aliis quibusvis personis, & locis sub quibuscumque verborum tenoribus, & formis, ac cum quibuscumque etiam derogatoriis derogatoriis, irritantibusque, & aliis Decretis in contrarium præmissorum in genere, vel in specie, etiam motu, scientia, & potestatis plenitudine paribus, ac consistorialiter, & alias quomodolibet, & quantiscumque vicibus concessis, confirmatis, iteratis, approbatis, & innovatis. Quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores formas, causas, & occasiones præsentibus pro plene, & sufficienter expressis, ac insertis, & accu-

ratissime specificatis, & servatis respective habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ac plenissime, & amplissime derogatum esse volumus, cæterisque contrariis quibuscumque.

Datum Romæ apud S. Mariam Majorem sub Annulo Piscator. die XXVIII. Maji MDCC. Pontificatus Nostri Anno Nono.

Confirmantur Constitutiones Congregat. Charitatis S. Hippolyti in Indiis Occident.

Hæc Congregatio erecta fuit Constit. ed. 1700. Maii 20. P. 9. Et Clem. XI. Const. ed. 1701. Jun. 20. P. 1. agitur de privilegiis, & promovendis extra tempora.

INNOCENTIUS PAPA XII.

Ad perpetuam rei memoriam.

EX injuncto Nobis Divinitus Apostolicæ servitutis munere ad ea, per quæ Christianæ Charitatis, & Hospitalitatis opera ubique locorum, ac præsertim in remotissimis ab hac Sancta Sede partibus opportune promoventur, favorabiliter intendentes, Christianissimum Congregationes in id ipsum laudabili studio incumbentes Apostolico favore prosequimur, ac proinde ea, quæ pro felici, prosperoque illarum regimine, & gubernio provide, prudenterque constituta esse noscuntur, ut firma semper, atque inviolata persistant, Apostolici muniminis præsidio, cum id a Nobis petitur libenter constabilimus.

§. 1. Exponi siquidem Nobis nuper fecit dilectus Filius Joannes de Cabrera Procurator Generalis Congregationis Charitatis sub titulo Sancti Hippolyti Martyris in Civitate Mexican., aliisque partibus Indiarum Occidentalium novissime a Nobis in Religionem erectæ, quod pro felici, prosperoque dictæ Congregationis regimine, & gubernio factæ fuerunt nonnullæ Constitutiones, quæ revisæ, & examinatæ, ac in unum collectæ sunt, tenoris, qui sequitur, videlicet.

§. 2. Cum principalis Scopus Congregationis, five Ordinis Charitatis sit attendere operibus Corporalibus Misericordiæ versus Pauperes infirmos, Convalescentes, mente captos, aliosque egenos, non debeant tunc Fratres ejusdem attendere studio Literarum, nonnulli tamen cum licentia Fratris Majoris Congregationis operam navare poterunt Medicinæ, & Chirurgiæ, tanquam Artibus, necessariis pro propriis Ministris, dispensando hac in parte Sede Apostolica in Sacris Canonibus generaliter, studium dictorum Artium Religiosis prohibentibus: similiter illi, qui in conformitate præsentium Constitutionum studuerint, ut ad Sacerdotium promoveantur, poterunt, & debent studiis incumbere, & quidem principaliter Grammaticæ, ut linguam latinam bene intelligant, & casibus Conscientiæ.

§. 3. Totum Ordinis gubernium residere debebit in uno Superiore cum titulo Fratris Majoris Generalis, in quatuor ejusdem Consiliariis, & in Superioribus localibus, cum titulo Fratrum Majorum localium, qui electi esse debeant in forma sequenti.

§. 4. In Festo Sanctorum Apostolorum Petri, & Pauli singulo triennio celebrabitur Capitulum Generale, quod semper congregari debebit in Domo Sancti Hippolyti in Mexico: huic intervenire debeant, & suo tempore vocari viginti antiquiores in professione ipsius Congregationis, qui tamen scribere, & legere sciant, & casu, quo aliquis, seu aliqui istorum legitime essent impediti (quod impedimentum consistat faciant Fratri Generali Majori, & Consiliariis, qui in hoc stare debeant ipsorum attestationsi juratæ, appro-

bata,

CXXXIV.

Dat. 21. Junii 1700. An. 9.

Exordium.

Referuntur dd. Constitutiones.

De Studiis.

De gubernio.

De Capitulo Gen.

bata, & subscripta a Fratre Majori illius Domus, in qua morantur) debent opportune vocari, & subrogari magis auctori dictae Domus Sancti Hippolyti, qui similiter legere, & scribere sciunt, itaque nunquam deficiat numerus viginti vocalium. In vigilia Sanctorum Apostolorum Petri, & Pauli Frater Major Generalis terminabit suum Officium, & in Capitularium praesentia consignabit sigillum, & libros Fratri Majori Sancti Hippolyti, qui semper Capituli Praesidens esse debet, non tamen in eo votare, si non sit de numero illorum viginti antianorum, & in Officio Praesidentis durare debet usque dum canonice electus fuerit Major Generalis, qui statim secuta illius canonica electione pro confirmato habeatur. In Festo deinde SS. Apostolorum audito Sacro, communicatisque Fratribus congregandi erunt a Praesidente in loco, & tempore ad electionem destinatis, ibique per vota Secreta recepta in urna aliqua a tribus scrutatoribus, qui semper antiquiores in professione esse debent, fiet electio Fratris Majoris Generalis, & is legitime electus erit, qui majorem votorum partem habere compertus fuerit. Cum hoc tamen, quod si electus est de numero votantium, duo ultra medietatem habere debeat vota, si vero de numero non est, unum habere sufficit juxta particularia statuta, & usum ab hac Congregatione usque nunc practicum. Ad effectum, ut quis in Fratrem Majorem Generalem eligi possit, ad minus aetatis quadragesimum, & professionis decimum annum agere debet, opusque erit, quod Frater Major fuerit in aliquo Hospitali, aut Consilii, Procuratoris Generalis, Infirmarii Majoris Officium exercitaverit.

De electione
F. Majoris.

De electione
Consiliorum & Procuratoris
Gener.

De praed. elec-
tionibus.

De electione
ceterorum
Officialium.

In casu diuturnae infirmitatis, aut necessariae absentiae Fratris Majoris Generalis possit iste subrogare Praesidentem, qui durante dicto impedimento Congregationem regat, & gubernet, & interesse debet primus Consiliarius: Et in casu obitus, aut depositionis illiusmet Fratris Majoris Generalis, idemmet primus Consiliarius succedere debet in gubernio illius pro toto eo tempore, quod pro triennio finiendo supererit, post quod congregetur Capitulum Generale pro nova electione, & non prius: & casu quo durante dicto triennio vitam cum morte commuraret Consiliarius aliquis, aut Procurator Generalis, aut Frater Major ejusdem Domus, Frater Major Generalis cum Consiliariis provideat dicta Officia de persona idonea, quae quidem durare, seu continuare debet solummodo usque ad tempus proximi Capituli Generalis, quia tunc omnes Officialia renovari debent, aut eligendo novos, aut confirmando antiquos, cum evidens Congregationis utilitas adfuerit; Frater autem Major Generalis, qui triennium suum compleverit nullo modo resignari possit ad idem Officium, nisi post aliud triennium, & similiter Procurator Generalis, nisi in casu quo is electus fuisset cum omnium Voto, & aliter faciendo, electio, nulla, & irrita sit. Fundari non possit nova Domus, aut Hospitalis, seu Xenodochium absque Ordinarii licentia in conformitatem Decretorum Sac. Concilii Trid., & Constitutionum Apostolicarum, & sine consensu Capituli Generalis, & in casu urgente, qui fundationem differre non permittat, utque ad dictum Capitulum, sine Fratris Majoris Generalis, ejusque Consiliorum consensu: Non acceptetur nova Domus, si non possit saltem sustentare, ultra Fratrem Majorem localem, quatuor Fratres, & unum Sacerdotem, & Domus sint simplices, & humiles absque curiositate: inter Domos fundatas, & fundandas, primum semper occupet locum illa Sancti Hippolyti Mexican., quae ordinaria erit residentia Fratris Majoris Generalis, illiusque Consiliorum: debet autem dictus Frater Major Generalis visitare saltem singulis annis per se, aut alium Visitatorem delegatum omnes Domus Ordinis distantes a Mexico non plusquam trecentum miliaribus, & remotiores semel saltem durante ejus triennio.

De Domibus
& Visitatore.

§. 6. Similiter ad dictam Domum S. Hippolyti spectabit mittere pauperes infirmos, & Convalescentes ad Terram de Huastepet, & providere eis de mulis, & omnibus necessariis ad effectum recuperandi salutem: similiter dictae Domus erit mittere ad Portum verae Crucis provisiones, & necessarios Ministros ad recipiendum, ut dicitur, flottam Navium ab Hispaniis advenientem, ad conducendos Pauperes, & Infirmos ad Hospitalia, ibique eos sanandos cum applicatione omnium possibilium charitativorum tractamentorum, prout laudabiliter usque nunc practicum fuit: cum opus hoc sit proprius, & principalis hujus Instituti usque a primava sua fundatione.

De oneribus
Domus S.
Hippolyti.

§. 7. Omnia Bona tum mobilia, tum stabilia provenientia a Legatis piis, aut elemosynis, aliave alia parte, administrantur ab Officialibus Congregationis destinatis ab illius Superioribus, & adhibeantur, seu applicentur ultra necessariam Fratrum, & Sacerdotum necessarium sustentationem pro Beneficio Infirmorum, Convalescentium, aliorumque Pauperum attinentium ad Hospitalia, & si redditus, aut elemosynae superabundarent in aliquo Hospitali, applicentur in beneficium aliorum Pauperum vercundorum indigentium, juxta prudentem directionem Fratris Majoris Generalis, ejusque Consiliorum: nec Fratres habere possint, nec praetendant rem aliquam in particulari, sed omnes vivant in perfecta vita communi, eo modo, quo

De admini-
stratione, &
dispensatione
bonorum.

praescri-

De Legatis Pii.

præscribitur in Decretis Clementis VIII., & præcipitur in Bulla Pauli V. Legata pia cum obligatione celebrationis Missarum acceptentur, & adimpleantur juxta formam præscriptam a Decretis Urbani VIII. *De celebrat. Miss.*, & a Bulla SS. D. Nostri.

De alienatione bonorum.

§. 8. Nec administratores bonorum Hospitalium istorum, aut Superiores illorum, aut ullus quilibet Congregationis Superior possit ea alienare absque licentia saltem Ordinarii, servata forma juris, & Sacrorum Canonum, qui Ordinarius in dictorum Bonorum alienatione interponere poterit suam auctoritatem, tanquam Delegatus Sedis Apostolicæ stante non facili ad eandem recurfu. Nullus recipiatur in Congr., nisi cum licentia Fratris Majoris Generalis, & habeat saltem annos decem & octo completos, & non plusquam adminus 40., nisi foret persona pietatis singularis, aut magnæ utilitatis. Nullum habeat impedimentum Canonicum, sit animo, & corpore bene dispositus, ut se totum implicare possit in auxilium cujusvis generis Infirmorum; recipiantur Novitii, concurrente majori parte Votorum Professorum Domus Novitiatus, quæ esse debeat Domus Sancti Hippolyti: poterit tamen Frater Major Generalis cum unanimitate assensu, & arbitrio ejus Consiliariorum destinare aliquam aliam Domum pro loco Novitiatus si ob majorem Religionis propagationem id necessarium foret: non possint Novitii removeri a Domo Novitiatus, nisi post professionem nullus admittatur ad professionem nisi denuo acceptatus fuerit a duobus tertiis Votorum Fratrum professorum Domus illius, in qua Novitiatum agit, & Novitiatum egerit per annum integrum, & non interruptum, juxta Sac. Concilium Tridentinum: unusquisque emittere debet professionem in manibus Fratris Majoris Generalis, aut illius, cui ab eodem talis functio expresse commissa fuerit, & professionis forma erit sequens: *In Nomine Sanctissimæ Trinitatis, Patris, & Filii, & Spiritus Sancti. Ego N. N. facio professionem, & promitto Deo, & Gloriosæ Virgini, & omnibus Sanctis, & vestræ Charitati Fr. N. Frater Major Generalis, aliique vestris Successoribus, Castitatem, paupertatem, Hospitalitatem perpetuam, & obedientiam juxta Regulam Sancti Augustini, & Constitutiones Ordinis Charitatis Sancti Hippolyti, usque ad mortem.*

De recipiendis ad habitum Novitiis, & Novitiatum.

De Habitum.

§. 9. Vestes exteriores Fratrum omnes sint de una, & eadem re ex panno coloris pardi, simplici, & vili, & exiguæ expensæ, in forma quæ gestant de præsentibus: Tunica tangat Calcaneos, Caputium sit unitum Scapulario, & hoc brevius tunica sex digitis, pallium brevius Scapulario, pileus similis illi, quem gestant Fratres Minores Sancti Francisci, Calcei grandes, & simplices, cinctura, seu zona ex corio larga, & longa. Faciant resplendere Sanctam paupertatem in Fabricis, Cellis, suppellectilibus, victu, & in omnibus aliis rebus: recordando quod illorum redditus sunt omnes ordinati ad beneficium Pauperum.

De Habitum.

De Mensa & Clausura.

§. 10. Omnes tam Superiores, quam Inferiores, cum sani sunt, comedant in communi Refectorio, & contenti sint iidemmet cibus, absque alicujus rei differentia. In mensa perpetuum, & indispensabile sit silentium cum lectione librorum spiritualium; nunquam Fratres emanent e Domo comedendi causa, multo minus dormiendi, nisi in aliquo inevitabili casu, & in hoc sit valde cautus superior. In Domibus istius Ordinis perpetua sit clausura, nec unquam intrare possint feminae.

De opertibus Pii.

§. 11. Ultra mandata statuta ab Ecclesia servanda cum omni punctualitate, & rigore, jejunent Fratres omnibus diebus Veneris totius anni, & in Adventu etiam diebus Lunæ, & Mercurii, si ob infirmitatem, aut extraordinarium laborem

non fuisset quis a Superiore dispensatus. Singulis diebus faciant per duas horas orationem, una de mane, & alia de sero. Et unaquæque istarum horarum implicata erit partim in oratione vocali, & partim in oratione mentali, & in illa de sero comprehendatur etiam examen conscientia: Singulis diebus audiant missam, frequentent SSimam Sacramenta Pœnitentiæ, & communionis, itaut saltem duabus vicibus in mense, ultra Paschatis, Pentecostes, omnium Sanctorum, & Nativitatis Domini solemnitates, confiteantur, & communent. Observent silentium in Oratorio, Refectorio, Dormitorio, & Cellis, & in aliis locis minus quo fieri poterit loquantur. Fratres hujus Ordinis esse debent Laici. Permittimus tamen, quod unus istorum tantummodo pro quolibet Hospitali possit esse promotus ad omnes Ordines sacros, servatis omnibus de Jure servandis, & cum expressa Fratris Majoris Generalis licentia, dummodo ante promotionem ad Sacerdotium habeat saltem sex annos professionis. Fratres illi, qui in posterum ita promoti fuerint, incapaces erunt superioritatis, & officiorum majorum Religionis, scilicet officii Fratris Majoris Generalis, Consilarii, Procuratoris Generalis, & Fratris Majoris localis, sed officium illorum erit celebrare sanctum Missæ Sacrificium & administrare Sacramenta. Omnes tamen Sacerdotes tam præsentibus, quam futuri, ob gradus illorum honorabilitatem in omnibus actibus communitatis habeant primum locum post Fratrem Majorem Generalem, Consilarios, Procuratorem Generalem, & F. Majorem Domus.

De Fratrum conditione.

De Statutorum & ordinum natura.

§. 12. Hæ sunt Constitutiones inviolabiliter observandæ, ita, & taliter, ut nullo modo a Superioribus Religionis alterari possint, nec minus a Capitulis Generalibus: Declaramus nihilominus pro quiete conscientiarum Religiosorum, quod non intendamus, eos obligare ad aliquam culpam, nisi in iis rebus contentis in ipsis, quæ alias sunt statuta, & respective prohibita a lege Divina, aut humana; Et pro conservanda cæterum eademmet quiete conscientiarum Religiosorum; ordinamus pariter, & declaramus; quod ordines superiorum aut generales, aut locales non obligent subditos sub peccato mortali nisi sint facti in scriptis in materia gravi, & præmissa aliqua monitione, & expressi sint per verba significantia præceptum in virtute Spiritus Sancti, & obedientia. Demum Capitulum Generale auctoritatem habeat declarandi dubia, quæ occurrere possent in intelligentia præsentium Constitutionum: facere statuta, & Ordinationes pro bono Religionis gubernio juxta necessitates, quæ occurrere poterunt cum tempore, dummodo ista non sit contraria Sacris Canonibus, & Constitutionibus Apostolicis, nec præsentibus Constitutionibus, nec habeant vigorem Constitutionum, si post factas ordinationes supradictas in uno Capitulo Generali non fuerint successive confirmata a duobus aliis Capitulis immediate subsequenter, & ulterius approbata ab Archiepiscopo Mexicano.

De facultate Capituli Generalis.

Preces Procuratoris Generalis.

§. 13. Cum autem sicut eadem expositio subiungebat, dictus Joannes Procurator Generalis Constitutiones hujusmodi, quo firmius subsistant, & serventur exactius, Apostolicæ confirmationis Nostræ patrocinio communiri plurimum desideret: Nos ipsius Joannis Procuratoris Generalis votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliique Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innotatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis in-

clinati,

Confirmatio
relatarū
Constitutionum.

Clausula.

cinati, de nonnullorum Venerabilium Fratrum Nostrorum S. R. E. Cardinalium super hoc negotio specialiter deputatorum; qui rem mature discusserunt, consilio, omnes, & singulas Constitutiones præinfertas, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjungimus, ac omnes, & singulos Juris, & facti defectus, si qui desuper quomodolibet intervernerint supplemus.

§. 14. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respectively inviolabiliter observari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 15. Non obstantibus Constitutionibus, & Ordinationibus Apostolicis, ac quatenus opus sit dictæ Congregationis, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 16. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides tam in judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die. XXI. Junii MDCC. Pontificatus nostri Anno Nono.

CXXXV.

Confirmatur Decretum Card. Protectoris pro alternativa in provincia S. Joannis Evangelistæ Insularum Azorum sub Regno Portugalliæ Ord. Min. de Oblerv.

Constit. edit. 1698. Pont. 8. confirmata fuit alternativa pro Provincia Cantabria. Et Inn. XIII. Constitut. edit. 1721. Jun. 16. Pont. 1. agitur de alternativa in Provincia Lusitania Reformatorum.

Dat. 10. Julii 1700. An. 9.

INNOCENTIUS PAPA XII.

Ad futuram rei memoriam.

Hæc alternativa fuit in Capitulo Provinciali 1690. circa electionem Provincialis, & celebrationem Capituli.

Nuper pro parte dilecti Filii Antonii de Pillar Fratris expresse professi Ordinis Minorum S. Francisci de Observantia nuncupatorum, ac Commissarii, & Procuratoris Provinciarum Sancti Joannis Evangelistæ Insularum Azorum sub Regno Portugalliæ ejusdem Ordinis Congregationi Venerab. Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositæ exposito, quod in Capitulo Provinciali dictæ Provinciæ Anno 1690. celebrato pro quiete ipsius Provinciæ Decretum, & stabilitum fuerat Alternativam electionem Ministri Provincialis ejusdem Pro-

vinciæ, ita scilicet, ut pro uno ex Fratribus Insularum Sancti Michaelis, & Sanctæ Mariæ, pro altero vero triennio, ex Fratribus Terzas nuncupatis, aliarumque adjacentium Insularum Provinciæ hujusmodi assumendus est, observari debere, & successive etiam stabilitum fuerat Capitulum Provinciale ejusdem Provinciæ semel in Sancti Michaelis, & Sanctæ Mariæ, & semel in Terzas Insulis prædictis celebrandum esse; sed cum post unius triennii lapsum Diffinitorium Provinciæ præfata congregatum fuisset, in eo Statutum extiterat, ut memorata Alternativa quoad celebrationem Capituli Provincialis hujusmodi, Visitatoris dictæ Provinciæ, & ipsius Diffinitoris arbitrio relinquerentur. Et in eadem expositione subjuncto quod cum posterius Statutum hujusmodi ad turbandam Religiosam dictæ Provinciæ tranquillitatem tenderet, & per illud ea, quæ in suprascripto Capitulo Provinciali, sicut præmittitur, decreta, & stabilita fuerant, contemnerentur, & everterentur; ideoque ipse Antonius, & dilectus pariter filius Minister Provincialis ejusdem Provinciæ prævidentes graves, & inevitabiles perturbationes suborturas fore, si prænarata dicti Capituli Provincialis Decreta, & stabilita non observarentur, Venerabili Fratri Michaeli Angelo Archiepiscopo Tharsen. in Portugalliæ, & Algarbiorum Regnis Nostro, & Apostolicæ Sedis Nuncio supplicavissent, ut illa approbaret, & confirmaret, præfatum vero Diffinitoris Statutum aboleret, & irritaret, ipse Michael Angelus Archiepiscopus, & Nuncius, cum cognovisset quantum inde Religiosæ quietis Provinciæ præfatae proventurum esset, prævis debitis informationibus per suas Literas die 9. Decembris anni proxime præteriti expeditis, eadem Decreta, & stabilita confirmaverat; dicta vero Statuta specialiter, & ex se derogaverat, & alias prout in dictis Literis præfata Cardinalium Congregationi exhibitis uberius dicebatur contineri; Ac proinde pro parte Antonii, & Ministri Provincialis præfatorum ipsi Congregationi Cardinalium supplicato, ut prædictis Literis, pro firmitate illarum subsistentia, stabilitæque dictæ Provinciæ pace, & quiete confirmationis robur adjungere dignaretur, eadem Congregatio Cardinalium per suum Decretum die 18. Junii proximi præteriti emanatum, audito super præmissis dilecto etiam Filio Procuratore Generali Ordinis prædicti, & attenta relatione Venerabilis Fratris Nostri Alderani Episcopi Ostien. ejusdem S. R. E. Cardinalis Cybo nuncupati Ordinis suprascripti apud Nos, & S. Sedem Apostolicam Protectoris desuper ipsis Cardinalibus facta, supplicem Libellum sibi super iisdem præmissis portectum benigne remisit eidem Alderano Episcopo Cardinali, & Protectori, ut veris existentibus narratis, & quatenus expedire censuisset, petitam confirmationem pro suo arbitrio, & prudentia concederet. Unde ipse Alderanus Episcopus Cardinalis, & Protector Decretum edidit tenoris, qui sequitur videlicet -- Alderanus Miseratione Divina Episcopus Ostien. & Veliternen. S. R. E. Cardinalis Cybo Sacri Collegii Decanus, & totius Ordinis Sancti Francisci apud Sanctam Sedem Protector. Utentes arbitrio per antèscriptum Decretum Nobis a Sacra Congregatione remisso, verisque comperitis narratis, Oratorum precibus benigne inclinatis, tenore præsentium, auctoritate ejusdem Sacre Congregationis petitam confirmationem concedimus, & impartimur. Datum Romæ 19. Junii 1700. -- A Cardinalis Cybo -- I. M. de Gais Secretarius --

§. 1. Cum autem, sicut dictus Antonius Nobis subinde exponi fecit, ipse Decretum hujusmodi, quo firmiter subsistat, & servetur exactius, Apostolicæ confirmationis Nostræ patro-

Confirmata fuit a Nuncio Ap. an. 1690. contra Diffinitorium.

Decretum Card. Protectoris, quo confirmatum fuit Decretum Nuncii Apost.

Preces Procuratoris Gener.